

滄香樓詩鈔

卷下



0 90850

澹香樓詩草卷

吳門葛秀英玉貞著

讀曲歌

看月莫看花。花開容易謝。怎如一鈎月。
年年照清夜。

愛鏡莫愛月。盈虧易更變。那及瑤臺鏡。
朝朝相見面。

偶成

春風靄如玉。新柳碧於烟。花氣嬌初日。
月明寒暮天。

盆梅

不住山中不倚簷。圍爐小閣貯神仙。安。
排短榻窗橫月。徙倚平闌袖拂烟。白石。
青苔原有主。翠禽縞袂又何年。春風到。

此應無價。品共幽蘭與後先。

瓶梅

一枝清影伴書函。硯沼浮波春色含。欲
訪孤山林處士。高情還就此中探。
何必羅浮夢裏遊。淡紅淺碧歲華流。為
邀寒影窺仙客。向晚窓開月浸樓。

春夜

二

閒庭夜永月華流。脉脉癡腸似水柔。却
笑前人情太淺。反云少婦不知愁。
碧羅衫子怯餘寒。花向閒階帶月看。心
事愛花魚愛影。夜深猶自倚闌干。

郊行

野外桃花紅可憐。可憐紅破暮春天。孤
村寒食聞啼鵲。回首蒼茫落照邊。

庚戌上巳隨夫子遊虎邱山分韻
得秋字

霸圖片石剩千秋。大好名山紀勝遊。百
八層邊柳色暝。一天門外夕陽收。孤祠
雲白風流香。香菊春殘今古愁。依約歌
聲何處起。棗花簾子小紅樓。

春日舟行懷亡姊元秀

三

一望雲烟繞。舟行欲斷魂。鶯啼溪畔柳。
花落雨中村。往事何堪憶。新愁孰與論。
酒帘微颺處。暮影到柴門。

主母夫人寄綵花蕉扇賦以呈謝

舊識蘭閨阿母賢。仁風披拂鏡臺前。輕
於紈扇清于水。書作鸞紋錦作箋。續命
綵絲同結就。宜男芳草共流連。提攜珍

重難拋手。六月生涼共一天。

戲作十索詩呈夫子

東風淡如烟。柳線縈簾幙。蝶粉殉花
魂。春愁更無著。帶褪小腰支。從郎索
丹藥。

一夜杜鵑聲。叫徹春歸半。微雨醉飛
紅。風絮池光亂。鶯語破朝眠。從郎索

四

金彈

畫閣悄無人。綠樹斜陽晚。研翠更調
朱刺繡工夫。損弄筆寫鴛鴦。從郎索
藍本。

君咏合歡詞。妾譜同心曲。花舒小苑
香。簾捲遙山綠。莫負好風光。從郎索
春醪。

顏色嬌于花。春日新妝靚。粧罷倚郎時。朗如玉山映對。花自疑醜。從郎索明鏡。

昨夜小雙鬟。與郎睹玉珮。曉起試粧時。故把搔頭碎。半羞半欲嗔。從郎索新愛。

薄襯碧羅衫。汗溢芙蓉面。瀟洒畫簾

五

中。新浴人如倦。湘簟倚斜曛。從郎索紈扇。

秋色醉寒花。一院飛黃蝶。西風剪袂衣。捐却蒲葵箒。試欲寫柔腸。從郎索紅葉。

落日掛簾鈎。紅映遙山樹。暝色赴春愁。小庭半烟霧。人在畫圖中。從郎索

新句。

今古黑心符。藉口天涯遠。迴文錦字
愁。高樹。盛中怨。欲定。生死心。從郎索
情券。

賦得燕復來巢

簾捲春風罷曉粧。一雙紫燕復飛翔。
似曾相識穿朱幙。旁若無人集畫堂。

六

嫩綠裁成添麗景。落紅銜入有餘香。
庭前舞罷喃。語細訴思君歲月長。

賦得四月清和雨乍晴

清和天氣雨初晴。薄暖輕寒布穀鳴。
濃綠日烘枝弄影。落紅風送砌無聲。
秧浮新水烟。簑潤麥刈黃雲雨笠輕。
山翠乍添當戶落。葵心傾處夕陽明。

杜鵑花

千年遺恨寄芳叢。魂化西川遍海東。林外三更啼夜月。枝頭萬點泣春風。火燃密葉層層碧。霞落幽階簇簇紅。金谷若令栽滿地。珊瑚渾不數玲瓏。

咏白榴花

豔質遙從西域來。臘脂洗淨傍瑤臺。淡

七

粧不受紅裙妬。粉蕊偏迎赤日開。五月江梅疑未落。千枝瑞雪漫成堆。水肌一任炎威逼。蒂結千房子暗胎。

秋日隨夫子遊虎林雨舟晚過吳

江

忽漫成行客。人浮水國艫。濕雲移縣堞。暝色入船窓。秋冷憐衣薄。燈明照影雙。

夜舟何處泊。聽雨到吳江。

舟中即景

泛楫江城烟水寬。白蘋風緊浪花團。滿湖漁艇初收網。白小盈筐到處看。稻隴如雲一半黃。風吹蘆荻野蒼蒼。掛帆高下看無數。錯認山光壓水光。

西湖登樓望月

十里湖光縱眼看。爛銀盤照水晶盤。踈踈柳靨烟初暝。淺淺簷牙露未寒。半壁樓臺藏鏡裏。幾家燈火出林端。愧無詩思蒐吟料。怕說尋詩路正寬。

小有天園

翠屏深擁鬱青蒼。坦道升梯妙境藏。門外古槐迎客拜。嶺頭仙樂借風張。泉通

石罅巖根濕。崖罨苔花字。裏香最愛觀。
魚池上坐。在山滋味勝濠梁。

淨慈寺

天外鐘聲嶺外樓。紅雲萬朵壓清秋。層
層寶刹南山社。仙佛連龕似一舟。

雙投橋

清波門外月黃昏。水面雙投認舊痕。羸

九

得秋風人競指。一雙菡萏是香魂。

天竺寺

青松翠竹即楊枝。點點如珠露滴時。照
見此心塵不染。夢泉階下碧蓮池。

白猿峰呼猿洞

竒峰障日何崔巍。傳說飛從天竺來。仄
徑迴沿翳蒙密。呼猿一洞崦岬開。洞口

有猿億千萬。理公呼來智。公飯飯猿。
飽入西山。啼出巴東。怨猿父死。智僧
一養猿山間時猿苦飢。千年不見孫團。
人謂之猿父彌。寺僧呼猿天風巖石動。水樂猶似哀。
松韻發時。

雲林寺

覺場真勝絕。峰勢舊飛來。傑閣華嚴現。

十

虛堂大樹開。吟魂迷宋駱。禪悅契宗雷。
欲騁蓬萊望。南屏梵放催。

遊花神廟憩竹素園

葛嶺注西峰。沿堤幽討畢。竭來訪名園。
恰傍散花室。廊要縵周垣。粉墨炫丹漆。
朱戶雙扉扃。穠花數枝出。曲徑導園丁。
交白開屈戌。士女覺丰昌。草木愛明瑟。

鹿柴綠苔侵鶴欄。紫葍茁小溪引清流。
一雨泉聲感。堂思綠野開。莊與平泉匹。
蓋臣致政間。及此翻芸帙。坐久別山池。
仙源恍如失。

白公堤

衣帶恰環花市綠。裙腰欲鬥草痕齊。金
昌亭畔孤山側。今古銷魂兩白堤。

十一

蘇小墓

何事紅塵埋白骨也。留青冢向黃昏。因
知著得人憐衆不復風前些。汝魂

六一泉

為憶歐公題六一。試叅潛老證圓禪。十
年一覺黃州夢。湖曲春風又禁烟。

韓侂胄廢園

舊賜山莊傍翠嵐。犬吠曾媚相公酣。流傳一首名園記。愧殺詩人陸劔南。

賈似道廢園

當年師相酣遊日。援絕樊城勢已窮。今日荒園問遺址。月明猶聽叫秋蟲。

鞠香墓

夕陽芳草認題珉。淒斷湖脣碧水春。搜

十二

遍侍兒名錄。古教人疑是菊夫人。

林君復放鶴亭

獸下巢居閣。還登放鶴亭。胎仙今化雨。處士昔沈星。秋菊寒泉白。踈梅石蘚青。湖山清絕處。高跡想鴻冥。

中秋前一日紀夢

玉繩向夜低如案。象緯分明亘漢清。

虛聲戛紫雲。迴。驀想流年暗中換。天風
搖動玉連屏。不覺銖衣似縠。輕手折芙蓉。
過。瑤闕身騎白鳳到。曾城。曾城十二
曾遊遍。中有青元舊宮殿。銀榜椒塗白
玉堂。珠簾寶甃黃金鈿。簾開十步障。紅
紗裾曳流虹袂。帶霞。捉臂當年諸女伴。
相看一一嬌如花。低鬟笑問人間世。正

話上清。淪謫事。忽聞鸞鶴半空喧。彷彿
人傳導師至。導師本住修羅天。戒體同
持五百年。曾傍團眉弄珠火。偶陪法座
湧青蓮。衆中一見頻迴顧。粲發玉言齒
如瓠。似訂重來後會期。教兒莫把前因
誤。此時恍惚悟前因。水月空明自在身。
下視塵中成五濁。始知天際有真人。須

史。雲。罇。金。蛇。掣。足。下。砵。旬。飛。霹。靂。招。搖。
前。擁。阿。香。車。十。萬。雲。師。向。空。立。不。覺。驚。
疑。步。屢。移。觚。稜。回。望。已。迷。離。秋。燈。四。壁。
光。如。豆。正。是。星。河。欲。落。時。

秋日隨夫子汎舟湖上泊段橋采

菱傲竹枝體十首

一湖秋水碧于烟。欲采菱時趁曉天。試

十四

蕩瓜皮艇子去。相將直到段橋邊。

柔櫓輕舟水面浮。湖光山色弄新秋。翻

嫌菱刺多傷手。不及蓮花有並頭。

湖上女兒結伴呼。白蘋風起外堤湖。斷

橋流水皺山影。一幅天然好畫圖。

秋老菱稀落日涼。菱絲不斷晚生香。可

憐空有絲千尺。試問柔情誰短長。

清波門外菱葉齊。采菱舟過白公堤。雙
投橋下無情水。萬古東流不向西。
處。菱窠映碧空。東西南北颭秋風。湖
心剝有波如鏡。無數樓臺倒影中。
風起涼生白苧衣。踏歌迴棹疾如飛。生
憎菱蔓偏多事。絆住郎船不放歸。
菱花曾照美人魂。點綴西湖水亦溫。試

十五

看。遶湖山。萬疊烟鬟雲髻。月黃昏。
不同萍實甜如蜜。絕勝鷄頭子。太多借
問六橋桃李樹。可能秋老醉笙歌。
南高峰頭月色低。西泠橋下水平堤。勸
郎莫再迴舟去。月落歸遲恐路迷。

由湖心亭泛舟經三潭印月

三塔始蘇公。禁民種菱芰。舊址經廢遷。

萬歷始更置三潭。非三塔名。各有所自。當其濬潭時。標塔以為識。湖人訛誦。傳知一不知二。但指塔為潭。莫測潭所至。我聞三潭中深黝不可試。往有光怪。陰火夜潛熾。豈有蛟龍宮。抑或神異。悶安得巽溫屏。一炬燭幽邃。恐滋傳聽疑。存之姑不議。

觀潮

隱約中疊。匹練來。駕山橫海。雪成堆。委輸。一氣迴。風掣始信。韓蘇天下才。

探菊二首

幽人在何處。芬芳猶閉藏。我心澹若此。結榦依嚴霜。

依君子室。覆影盪孤松。芳心時一吐。

宛呈冰雪容。

賦得水底芙蓉返照妍

金烏飛向水晶宮。仙子凌波耀玉容。淨洗紅粧光愈豔。倒懸明鏡影俱濃。十分春色秋江滿。一派寒流夕照鏗。蜀錦千層波萬疊。爭妍不許白雲封。

立冬

十七

陽管初調律。辛盤欲借春。上階添映日。吹慢動飛塵。漸覺房櫳冷。相看梅柳新。殷勤抽弱線。羞作等閒身。

賦得不道梅花也怕寒

天惜梅花開故遲。春風不早上疎枝。為嫌白遜三分後。肯令香生六出時。玉骨本同松柏性。冰肌原具雪霜姿。嚴威逼

處休疑怯。斂却精華只自知。

春夜

冰輪如水映簾櫳。欲寫迴文句未工。正是夜長人不寐。一聲天外聽歸鴻。幽閨無那怨更長。繡被初熏百和香。風竹亂敲人不見。挑燈誰語怯空房。

咏李花

十八

葦綃吟就寂分明。種出天台號水晶。塞草有名長十八。此花應與共生成。

咏飛花

欲別還期更小留。無端零落使人愁。晴烟蝶散空園裏。曉色鶯啼古渡頭。一片彩雲天外去。半簾疎夢雨中休。春魂未識歸何處。曾否飛回十二樓。

移居別燕子

梁間雙燕子。飛掠舊堂坳。記取來春社。
休歸此地。巢新居。榮桂樹。低檻卧梅梢。
珍重紅絲繫。相隨莫漫拋。

載咏落花

老去鶯歌蝶夢閒。亂紅無數點苔斑。芳
菲原自來天上。豔冶寧容久世間。風雨

十九

漂搖非嫉妬。色香榮悴悟循環。惜花我
獨添惆悵。直待春來再展顏。

酷把名花取次芟。可憐弱質異松杉。飄
零幸不隨黃葉飛舞。曾來點碧衫。魚吹
清波遊園。燕銜香砌話喃。茶靡開
後休言了。桂子秋風尚滿巖。

四月初八日

浣花天是麥秋天。回首春過又一年。出世佛應長住世。齋心默祝寶幢前。

虎丘觀競渡

逐隊笙歌過畫橋。龍舟奪錦繡旗飄爭。
看水面飛如箭。絕勝錢塘萬弩潮。
遙山塢影夕陽沈。鼙鼓聲高出柳陰。兩
岫倚樓紅袖女。一齊回首向波心。

二十

佛手柑

堆盤髣髴指頭禪。種出瞿曇金作仙。庶
女嗅花香一握。鴿王持鉢影孤懸。莫教
新柳鷓聲喚。待寫祥光卍字宣。便說兜
羅終不壞。中無敗絮體原堅。

珍珠蘭

庭階珠樹不聞香。珠綴蘭蕞體自芳。欲

縮同心。心萬點。宛霏屑。玉玉千行。自然
釵朶連鬟插。多謝花師結線裝。珍重品
題詩十斛也。傳幽韻寄三湘。

咏竹夾膝

俗名竹夫人

龜蒙舊咏。剝堪思。繪出夫人冷淡姿。生
長名園原有種。前身斑管愛題詩。

竹牀水簟是吾曾。清韻涼生白玉搔。千

廿一

眼薰籠同製造。趨炎世態此偏逃。

立秋

久苦炎威逼。欣逢夏令終。秋來梧葉裡。
人醉藕花中。玉露溥清曉。羅雲澹碧空。
甘霖仰望切。坐待滿秋風。

賦得不知秋思在誰家

星稀河淡漏聲遲。樹杪香風徹夜吹。一

半秋光分去候。幾多桂子。落來時月明處。爭先望。露冷家。只自思。地白鴉棲。花盡濕。中庭靜寂。有誰知。

中元日憶四姊元秀

三度中元夢已賒。路旁青塚隔天涯。招魂那得明星草。挿案惟供洗手花。秋月乍圓人更杳。暑荷猶放葉偏遮。一行姊

廿二

妹今誰在。千日尋思恨轉加。

蕩絲

繞指閒情縷。長風前脈。澹生香寸心。不斷思千轉。只認蓮房作故鄉。

賦得桂子月中落

桂子冰輪滿。離離墮碧空。實垂拋鷺嶼。蒂結自蟾宮。拾去黏香露。吹來藉晚風。

一枝憑折取。指點月華中。

秋夜泛舟石湖

山水東南勝。宵深景愈幽。飛來半輪月。
吟向一湖秋。煙斷閒雲補。濤奔疊嶂浮。
空明相映徹。疑是入瀛洲。

荻花

烟凝鴻雁沙邊路。月映藤蘿石上洲。兩

廿三

岫。荻花寒瑟瑟。夕陽帆影一江秋。

青廬夫入歸寧過蘇即席口占

以贈別

蜀錦書成柳絮詩。小郎詞賦並參差。瑤
池欲赴元君約。紗幔先瞻侍女師。握管
生香憐翠袖。開簾得月捧清卮。相依脉
脉情何限。可訂重來後會期。

四時閨詞四首和夫子原韻

碧桃含露暈朝霞。小立閒階印淺沙。珠箔高褰招舊燕。金鈴低綴護新花。調琴欲罷香重換。鬥草將輸袖半遮。寂寞翠樓人意懶。東風偏惹柳絲斜。

戲拈紅豆笑相投。試問腰支似舊不。午浴冰綃嫌浣粉。晚粧雲髻怕沾油。生憎

碧蕩花雙朶。最愛紅簾月半鉤。今夜差涼清簟滑。枕函斜墮玉搔頭。

清砧玉腕不辭勞。也解悲秋讀楚騷。低蹴鳳翹盤絲線。薄梳蟬翼膩蘭膏。金徽天上星光小。紈扇樓頭月影高。乞巧試邀諸女伴。漫陳瓜果切鸞刀。

殘雪初消暖氣臨。芙蓉花簇合歡衾。重

垂繡幙。留香麝淺。泛流霞。醉鬱金冰凍。
蟾池吟未穩。霜凝鴛瓦冷。難禁窻前一片玲瓏。月轉到梅梢。夜已深。

附錄原作

珠簾清曉捲。流霞小。蹴雙弓。踏顛
沙緩佩。丁東移寶樹。淺粧綽約暈。
梨花釵迎。公鳳垂。顛裙惹春駒。

廿五

故：遮別有愁魂銷不得。椒蘭風
細玉烟斜。

畫長偏澁繡針投。笑嚼香絨唾得。
不駕褶花爭紅醋。蛾鬢苔靨碧
油。慵粧滑倚珊瑚簟。罷浴涼褰
玳瑁鈎。恰似無心容易摘。雙搓梅
子繫釵頭。

極目銀河悵望勞不鉤人倚碧蕭
騷拋殘舊曲龍皮扇熨得新痕懶
髓膏花袂怯雷天乳重朱絲閒擲
月魂高兕夫不渡秦淮水底聽寒
砧急剪刀

重：粧閣曉登臨軟玉初辭蜀錦
衾鳧藻細篝宜愛餅鳳鈿小鑄辟

廿六

寒金冷翻笛雪嬌無那凍折簷冰
瘦不禁却怪輕螺纔破綠頰潮先
已泛深

澹香樓詞草

吳門葛秀英玉貞著

梅影十六字令

斜。梅影移窗映碧紗。依他寫。寒受月些些。

彈琴十六字令

琴。調急弦繁哀怨深。難成弄。料是少知

音。

春閨如夢令

燕語呢喃春晝。花事闌珊時候。斜倚畫屏前。半顰低垂紅裊。消瘦消瘦。鏡裡雙蛾長皺。

題曉粧圖浣溪沙

鶯催日影上窗紗。睡起羅幃遠夢賒。水

晶屏曲繡簾遮。一縷香雲金釧滑。二
分明月玉梳斜。澹粧生愛不簪花。

春閨即事 臨江仙

隔院鶯聲催早起。昨宵杏雨輕寒。一庭
春色捲簾看。綠烟雙燕語。紅樹百花攢。
整頓琴書消晝永。粧成不去憑欄。鵲
爐呼婢爇沉檀。新詞翻白雪。小楷界烏

闌。

楊花 減字木蘭花

柳棉如許攪碎春魂。飄泊去風約萍開。
一半相逢在水隈。漫天飛舞。簾外斜
陽黏忽住。咏絮無才。孤負東風為送來。

新竹 四字令

新筠淡描。含香嫩苞。些時勁節干霄。笑

春風柳腰黏雲亂。拈梳風碎敲一叢。
寒玉蕭蕭。拂簷牙鳳毛。

落花 蝶戀花

簾外飛花愁挂樹。柳線搓烟欲縮。春難
住。蛺蝶成團慵對舞。宿花香夢尋無處。
幾度問花。不語瘦盡媽紅。散落胭脂
雨。踏作春泥香滿路。多情燕子銜將。

三

去。

題畫 如夢令

棋譜半盤打就。獨與銀缸厮守。侍女去
煎茶。薦地梨雲夢透。醒否醒否。夜靜秋
寒燈瘦。

泥美人 柳梢青

撮土猶香。塑成嬌豔。絕世風神。月下娟

娟松間小小畫裏真々美人黄土生
春向何處藍橋問津憨態無言羞顏似
笑注眼如顰

題夏閨圖浣溪沙

雨過荷香暑氣消。奩開月影黛重描。閒
堦獨立似無聊。藕覆半籠金縷襪。鳳
釵斜。驪翠雲翹。內家粧束不勝嬌。

染指甲醉花陰

曲欄鳳子花開後。搗入金盆瘦。銀甲暫
教除。染上春纖。一夜深紅透。點絳輕
濡籠翠袖。數亂相思豆。曉起試新粧。畫
到眉彎。紅雨春山逗。

自題秋夜圖生查子

殘夜碧天明。月掛梧桐井。小院寂無人。

滿地芭蕉影。銀漢已橫斜。獨立衣裳冷。不忍負良宵。自煮天池茗。

中秋西湖泛月柳梢青

湖上清秋。南屏鐘逤。嵐翠烟浮。衣怯新涼。月扶殘醉。人倚蘭舟。月明正好勾留。且放棹湖心上頭。鏡淨浮光。潭空瀉影。人在瀛洲。

五

聽雨桂殿秋

衣袂冷。上高樓。繁雲遮斷碧山頭。小窻獨坐聽秋雨。荷葉芭蕉各自愁。

集舊句寄呈夫子憶王孫

畫堂深處麝烟微。頰曼閒立風吹金縷

衣。韓偓紅綃帶。緩綠鬟低。白居易落花飛

玉勒不見人。歸見燕歸。歸崔魯

又虞美人

庭前芳樹朝。改李嶠尚有餘芳在。幸

莊年光背我去悠悠。沈叔怡似一江春

水向東流。李後此時欲別魂俱斷。韓

偓試取鴛鴦看。李遠不挑紅燼正含愁。

鄭谷別有。一般滋味在心頭。李後

又巫山一段雲

六

麗日催遲景。公乘羅幃坐晚風。趙嘏自

盤金線繡真容。王建翻疑夢裡逢。戴叔

離恨却如春草。李後滿地落花慵。掃

李珣思量長自暗銷魂。韓偓蛾眉向影

顰。劉希夷

又卜算子

花繞玉屏風。鄭遂氤氳蘭麝馥。白居易何

事吹簫向碧空。王維鸞鳳調琴曲。張說

惜別酒頻添。杜甫侍兒催畫燭錢起

此後相思幾上樓。黃滔終日求人卜。杜

牧

集古贈雙妹兼以送別生查子

桃花落臉紅。陳子困立攀花久。白居易垂

柳拂粧臺。歐陽掬翠香盈袖。趙嘏不

七

敢苦相留。盧綸去是黃昏後。韓偓欲去。
又依韋莊。幾日還攜手。韓偓

集古送張湘蘭之湖南浪淘沙

華屋豔神仙。杜甫冶態嬌妍。陸龜纖腰

婉約步金蓮。毛震多事春風入閨。權

德輿獨立花前。馮延遙指夕陽邊。劉

長卿嫩草如烟。歐陽離人獨上洞庭船。

李頻一。去。那。知。行。近。遠。崔。顥。目。斷。遙。天。

馮延巳

送春 惜分飛

淚。漬。胭。脂。花。濕。露。簾。外。飛。紅。無。數。芳。草。
江。南。路。春。魂。一。縷。斜。陽。暮。可。惜。彩。雲。
留。不。住。恨。殺。風。偏。雨。妬。願。化。相。思。樹。古。
來。剩。有。鴛。鴦。墓。

新綠 沁園春

青。帝。纔。臨。雨。似。調。酥。風。似。剪。刀。看。乍。寒。
乍。暖。催。歸。柳。線。半。明。半。暗。染。就。芳。郊。雲。
約。晴。峰。烟。酣。遠。岫。同。倩。天。工。淺。淡。描。無。
人。處。早。蒼。苔。一。片。又。上。紅。橋。魂。銷。春。
水。迢。迢。歸。未。得。王。孫。路。更。遙。恨。多。情。飛。
夢。西。樓。憶。遠。無。端。送。別。南。浦。停。橈。小。院。

池塘曲欄幽砌。一着東風。別樣嬌凝。眸望惟孤山松栢。不受寒凋。

中秋玩月月華清

秋半名中。月圓名半。素輝千里如畫。高捲珠簾。一片玻璃。涼透晚風起。霧約柔鬢。銀漢斜露。侵羅袖。稽首向嫦娥。借問廣寒。否。最愛深閨獨守。嘆如此良

九

宵儘堪消受。覓句孤行。踏損蒼苔微溜。問前生。千古同心。期後會。一年別久。孤負怕雲遮。光掩秋。催人瘦。

秋思瀟湘神

暮烟含暮煙。含殘荷衰柳。映寒潭夕照。照遠山紅樹。外斷腸秋色在江南。

跋

嘗見天之生物也尊卑貴賤動植飛潛莫不各如其分以與之而與之之中又有豐嗇之殊者天之權也如與四足者去其翼與角者去其爪牙花千葉者無子豐於才者嗇於遇豐於色者嗇於年天豈能物々位置之人

跋一

人限制之哉各如其分而已自古及今萬事萬物似皆可預擬之而操左券者然亦間有不能盡如所擬于可必之中叅以必不可必之事天若故設一變幻之迹使六合萬世欲信還疑者此即天之權矣譬如藥籠馬攻補寒熱之性無味不具各隨其病以

治之此如分之說也有良醫者加減
泡製異於常醫此豐嗇之所以殊也
良醫世不常有天之權亦不常顯審
若此世之窮通壽夭皆各如其分以
得之初無用驕矜悲憤於其間也明
矣余友秦澹園喪姬葛氏哀悼不止
予曰姬豐於才又豐於色天之所與

跋二

亦多矣其嗇於年分也庸何悲乎澹
園聞之破涕為笑

歲在壬子立夏前五日阿顛朱鑑跋



余友秦君澹園喪姬葛氏哀悼不已
自為作傳輯其詩若詞刻之囑工畫
者撫其像又為啓徵士大夫詞以輓
之噫亦至矣然哀未已也爰擬楚騷
一章以叙其哀且節其哀云

朝出兮何之暮言歸兮遲々蹇獨立
兮盱蠻風翦燈兮月浸幌蕙心兮蘭

跋一

言細字兮短牋渺脫手兮如煙潛英
石兮驚鴻影是乎非乎心獨省告哀
兮增哀我輩同情兮耿復耿花落兮
春風夢破兮曉鐘飶飛夢兮再聚夢
中路兮重逢已焉哉彼偃寢兮何時
起此淚泉兮不可止閉恨兮埋愁嗟
終古兮羌如是酌旨兮薦芳宛々兮

可忘今奈何兮奉倩聞昔達者兮蒙
莊

乾隆壬子孟夏錢唐張增識



穆叔介齋肩形

跋二



徵詩啟

色界天中幻出一枝花影華胥夢裡
演成半部南柯皓魄不常圓青天有
恨佳人難再得紫玉成烟是以落葉
哀蟬漢殿有翻新之曲長林雙鳥黃
門賦感舊之篇七夕遺釵如聞私語
三年留枕不斷餘香古今來未有情

緣總不出兒女英雄之外天地間無
窮恨事又豈越悲歡離合之中僕學
劍未成茫茫交集無魚興嘆咄咄書
空慚楚客之處囊類秦人之懸贅才
非杜牧本無意於尋芳貧似相如復
何心於止渴而乃卅年空度一索猶
虛析則如何將負薪其誰托徵于奚

有雖樹蘭而不芳偶因大婦之賢遂
有小喬之訂姬人葛氏者產從句曲
住近姑蘇生成咏絮之靈心大有憐
才之俊眼梅粒五出豈容鳳子飛來
柳帶三眠不許鶯兒喚起閒吟覓句
踏殘小院蒼苔徵事攤書坐冷半龕
燈火懸知絡秀相最宜男料得芳姿

歌捐團扇于是水晶簾下試畫春山
雲母屏前共詮秋水銀河寂寞我歌
明月之詩錦瑟橫斜卿寫澹香之影
浼他斗酒有時自拔金釵憐我研田
鎮日親操蠶白采苜載咏欣懷甲之
有徵吉夢頻占謂添丁之已兆異日
花間覓路相將登竹裡之樓他年廡

下齊眉何事織機中之錦此固僕之
素願亦姬之本心也何期彩雲易散
素蕙先凋苦海生波愛河頓逝已是
彌留之際猶申宛轉之詞擁髻淒迷
戒藥鐙之勿進支頤憔悴盼燭影以
將闌以為世生生莫作有情之物
從此空空色色永為薄命之花人已

云亡言猶在耳相思路隔絲欲斷而
猶聯離恨天長石雖煉而難補豈真
謫女早證仙緣料是書生難消豔福
雖曰生非薄倖恐玉簫未必重來除
非死作閻羅將鐵案從新翻起然而
虛傳蓬島誰尋不死仙方浪說瑤池
難覓長生靈藥美人黃土已向碧桃

花下添三尺孤墳

名士青燈尚希彤管詞中增一重公
案或彈古調或寄新聲或倚馬萬言
或雕龍七步庶幾閨中小草得隨大
稿以流傳更使地下幽魂不與朱顏
而泯滅僕如無語誰傾八斗仙才鬼
若有靈當報數升花片謹啟

